

佛说盂兰盆经讲记 科判

西晋三藏竺法护 译经 明满益大师 科判 智圆法师 讲记

释道净 整理 20240729 2 稿 微信 qq 973451196 校对 禁止商用篡改 法律责任必究

科判			经文			
正文分三	甲一序分分二	乙一通序		闻如是：一时佛在舍卫国祇树给孤独园。		
		乙二别序分六	丙一目连道满	大目犍连始得六通。		
			丙二知恩欲酬	欲度父母，报乳哺之恩。		
			丙三攀慕遍寻	即以道眼观视世间。		
			丙四得见所在	见其亡母生饿鬼中，不见饮食，皮骨连立。		
			丙五悲哀往救	目连悲哀，即以钵盛饭，往饷其母。		
			丙六恶习难转	母得钵饭，便以左手障钵，右手抟食。食未入口，化成火炭，遂不得食。		
	甲二正宗分分三	乙一目连悲泣陈情		目连大叫，悲号涕泣，驰还白佛，具陈如此。		
		乙一简示分五	丙一	丁一彰母罪深	佛言：汝母罪根深结。	
				丁二明子力弱	非汝一人力所奈何。	
				丁三斥邪无用	汝虽孝顺，声动天地，天神、地祇、邪魔、外道道士、四天王神，亦不能奈何。	
				丁四显正有能	当须十方众僧威神之力，乃得解脱。	
				丁五许以救方	吾今当说救济之法，令一切难，皆离忧苦。	
		乙二如来广示法要分二	丙二正示分二	丁一教孝子献供之法分五	戊一定胜时	佛告目连：十方众僧，七月十五日僧自恣时。
					戊二发胜意	当为七世父母，及现在父母，厄难中者。
				戊三设胜供	具饭百味五果，汲灌盆器，香油锭烛，床敷卧具，尽世甘美以着盆中，供养十方大德众僧。	
					戊四赞胜田	当此之日，一切圣众，或在山间禅定，或得四道果，或在树下经行，或六通自在，教化声闻缘觉，或十地菩萨大人，权现比丘，在大众中，皆同一心，受钵和罗饭，具清净戒，圣众之道，其德汪洋。
				戊五获胜益	其有供养此等自恣僧者。现世父母，六亲眷属，得出三途之苦，应时解脱，衣食自然。若父母现在者，福乐百年。若七世父母生天，自在化生，入天华光。	
			丁二教众僧受供之仪	时佛敕十方众僧，皆先为施主家咒愿，愿七世父母，行禅定意，然后受食。初受食时，先安在佛前，塔寺中佛前，众僧咒愿竟，便自受食。		
		乙三当机获益脱苦分二		丙一孝子获法喜益脱忧愁苦	时目连比丘，及大菩萨众，皆大欢喜。目连悲啼泣声，释然除灭。	
		丙二慈母获济度益脱果报苦	时目连母，即于是日得脱一劫饿鬼之苦。			
甲三流通分分二	乙一申请		目连复白佛言：弟子所生母，得蒙三宝功德之力，众僧威神之力故。若未来世，一切佛弟子，亦应奉盂兰盆，救度现在父母，乃至七世父母，可为尔否。			
	乙二赞答分三	丙一赞许		佛言：大善，快问。我正欲说，汝今复问。		
		丙二正答分四	丁一教起行		善男子，若比丘、比丘尼、国王、太子、大臣、宰相、三公百官、万民庶人行慈孝者，皆应先为所生现在父母，过去七世父母，于七月十五日，佛欢喜日，僧自恣日，以百味饭食，安盂兰盆中，施十方自恣僧。	
			丁二教发愿		愿使现在父母，寿命百年无病，无一切苦恼之患。乃至七世父母，离饿鬼苦，生人天中，福乐无极。	
			丁三教常作		是佛弟子修孝顺者，应念念中常忆父母，乃至七世父母。年年七月十五日，常以孝慈，忆所生父母。为作盂兰盆，施佛及僧，以报父母长养慈爱之恩。	
			丁四劝受持		若一切佛弟子，应当奉持是法。	
	丙三奉行		时目连比丘，四辈弟子，欢喜奉行。			